

FISCAL A EXIGI 1 AÑA DI PRISON PA ACUSADO TIEL DEN CASO FLAMINGO

AWE SENTENCIA TA CAY DEN CASO FLAMINGO

Partido MEP:

**BAN CELEBRA E LEGADO
Y IMPACTO POSITIVO CU
BETICO A LAGA TRAS RIBA
NOS PAIS**



**INTOXICACION OF OVERDOSE
NA CENTRO MEDICO AMBULANS
A TRANSPORTA E PASHENT CU
URGENCIA PA HOSPITAL**



**PROME MINISTER
TA FELICITA TUR
DOCENTE Y ALUMNO
DI SINT DOMINICUS
COLLEGE CU NAN DI
110 ANIVERSARIO**



E LEGADO DI BETICO CROES DEN POLITICA ACTUAL DI ARUBA

Dia di Betico no solamente ta un dia pa recorda bida di nos heroe nacional, sino tambe un momento pa reflexiona riba e impacto continuo di Betico Croes den e politica di Aruba. Como lider politico, Betico tabata pionero den e lucha p'e autonomia di e isla y a laga un marca profundo den e estructura politico cu ainda ta dura te awe.

Den e decada di 60 y 70, Betico Croes a encabesa e movimiento p'e autodeterminacion di Aruba, loke a hiba e isla pa obtene un status di autonomia dentro di Reino di Hulanda na 1986. Su influencia tabata crucial p'e Arubianonan por a maneha nan propio asuntonan

interno y tuma decision politico independiente, un avance fundamental p'e isla.

A lo largo di e añanan, e legado di Betico a sirbi di inspiracion p'e generacion nobo di politico cu a continua lucha pa mehora e bienestar di Aruba. E idealnan di husticia social, autodeterminacion y progreso cu el a promove ta sigui ta principio clave den e discurso politico contemporaneo di Aruba. E maneho implementa den actualidad hopi biaha ta alinea cu e vision cu Betico Croes a defende, priorisando e desaroyo economico, e estabilidad politico y e igualdad social.



A traves di Dia di Betico, e Arubianonan no solamente ta celebra su logronan, sino tambe ta mantene e memoria bibo di un lider cu a lucha p'e isla y su

balornan fundamental. Den e politica actual, e legado di Betico Croes ta sigui guia e decisionnan cu ta busca pa fortalece e identidad y soberania di Aruba.

ACCIDENTE CU IMPACTO DOBEL NA ROTONDE WAYACA



Dialuna anochi a drenta informe di un accidente na e rotonde Wayaca, mesora a dirigi un patruya na e sitio. Na yegada di e patruya a bin compronde cu aki ta trata di un accidente cu impacto dobel unda un dama chauffeur a bay dal riba e vangrails y sigui bay dal riba un pick-up. Polis a kere cu e chauffeur di e pick-up ta bao influencia di alcohol pero despues di a pone supla a bin confirma cu e no ta bao influencia.



E daño tabata limita y hende a resulta herida. afortunadamente ningun

AWE SENTENCIA TA CAY DEN CASO FLAMINGO

ORANJESTAD – Mayan merdia 1.30, Hues di Corte den Promer Instancia, lo dicta sentencia den e caso Flamingo.

SOLO DI PUEBLO por a compronde cu e Hues no ta di Aruba. E motibo cu tin un Hues no di Aruba ta trata e caso, ta pa muestra imparcialidad di Corte di Husticia den tipo di casonan asina.

Aña pasa November 2024, a cuminsa cu tratamento di e caso Flamingo cu a caba te algun dia promer cu eleccion na December 2024. E Hues, a palabra cu 21 Januari 2025 e ta sera tratamento di e caso y 22 Januari 2025, e ta dicta sentencia.

CASTIGONAN EXIGI PA FISCAL

Aña pasa, e dos Fiscalnan di Ministerio Publico a bisa Hues cu nan ta haya cu den e caso aki por mira con curopcion ta tuma lugar. Esaki ta alarmante. Esser y Otmar a hiba politica pa yuda otronan cu a yuda den campaña. Esaki no ta politica sino corrupcion. Fiscal ta haya cu mester manda un señal bon cla den comunidad cu no ta permiti abuso di funcion.

Fiscal ta haya Jeandrick culpabel di malversacion door di tuma Tiel y lag'e traha. El a exigí un multa di 25 mil florin of 1 aña sera den prison. Tambe Fiscal a exigí 180 ora di trabao pa comunidad y si no haci esaki e lo mester bay 90 dia sera.

Fiscal ta haya cu Phillips a gana 100 mil florin


di Gobierno door di no traha. El a exigí 6 luna di prison pa Phillips.

Fiscal ta haya cu Wever a abusa di su funcion y a falsifica cartanan. Fiscal a exigí 240 ora di trabao pa comunidad y si no haci'e, Wever mester bay 120 dia sera. Tambe Fiscal a exigí 6 luna di prison condicional cu 3 aña di prueba.


Fiscal ta haya cu Esser tabata e persona di confianza di Otmar. El a exigí 18 luna di prison pa Esser.

Fiscal ta haya cu Otmar Oduber tabata e minister cu a abusa di su poder. Fiscal a exigí 3 aña di prison y pa 6 aña largo Otmar no por postula su mes como politico.

CHAUFFEUR DI ARUBUS A TENDE EXPLOSION Y A WAK CANDELA ELA AVISA SU CENTRAL Y A PASA AVISA POLIS



Diamars madruga a drenta informe for di un chauffeur cu lo tin un cas na candela banda di ex-Centro Medico na Sanicolas, mesora a dirigi tanto bombero como polis na e sitio. Na yegada di e bomberonan a bin descubri cu aki no ta trata di un cas sino un auto Hyundai Tucson A 35652 cual tabata dilanti un cas. E habitantenan a scucha un explosion y a sali bay wak e auto su parti dilanti tabata na candela. Na yegada di polis a tuma tur e datonan di e incidente mientras bomberonan a paga full e candela. Na final Forensys a yega pa tuma tur informacion di e susedido.



CHAUFFEUR NO A REGULA SU VELOCIDAD NI MANTENE DISTANCIA A BAY DAL TRAS DI AUTO SU DILANTI

Dialuna mainta a drenta informe di un accidente net dilanti Taco Bell na Noord, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente unda cu un chauffeur di un Mitsubishi Lancer no a regula su velocidad ni a mantene distancia a bay dal tras di e Hyundai i10 su dilanti. Afortunadamente ningun hende a resulta herida.





Noticia di Corte

FISCAL A EXIGI 1 AÑA DI PRISON PA ACUSADO TIEL DEN CASO FLAMINGO

Awe mainta, Corte di Husticia a sigui cu tratamento di e caso Flamingo, caminda a sigui cu e caso penal contra Gilberto Tiel.

SOLO DI PUEBLO por a compronde cu Fiscal a exigí 1 aña di prison pa Tiel. Fiscal ta haya Tiel culpabel di a cumpra Otmar Oduber y di a malversa Gobierno placa door di tabata un empleado fantasma.

Aña pasa a pospone e caso caminda Hues a instrui Ministerio Publico a manda yama Tiel, cu ta bibando na Merca. Ministerio Publico a manda Tiel citacion pero e no a presenta den Corte. Esey ta haci cu Hues a sigui cu tratamento di e caso sin cu Tiel tabata presente. CUMpra OTMAR Y MALVERSA GOBIERNO Na November 2024, Ministerio Publico a presenta e acusacion di 3 empleado fantasma o

sea nan tabata wordo paga pero realmente nan no ta den servicio di Gobierno. Esaki ta wordo considera malversacion di placa di Gobierno. Ta trata aki di Gilberto Tiel, Laurence Phillips y Hans Geerman, kendenan ta wordo acusa di a gana placa di Gobierno sin cu tabata realmente den servicio di Gobierno entre Januari 2018 y Juni 2020.

Hues a muestra cu Tiel tabata den un caso dia 23 December 2020 y Hues a declara no admisibel cu Tiel tabata den servicio di Gobierno. Segun e sentencia, Tiel tabata un patronahe politico y no tabatin un trabao den Gobierno, ganando mas cu 4 mil florin. Hues a muestra cu Corte ta haya cu no tabatin un acuerdo di trabao real y a declara Tiel no admisibel.

Hues a muestra tambe cu Tiel lo tabata traha pa e compania di yiu di Otmar, Jeandrick den

su tempo liber. Otmar a bisa cu el a haci asina cu 5 otro trahador, pa nan por haci otro trabao. Jeandrick a bisa Hues cu Tiel tabata traha cun'e den bar pasobra Tiel tin hopi conocemento. El a bisa cu Tiel tabata gana a base di comision.

Hues a muestra cu a interroga Jeandrick y a scucha combersacionnan y Landsrecherche ta conclui cu Tiel tabata den servicio di Jeandrick. Hues a muestra cu Tiel a wordo interroga na Hues Comisario caminda el a bisa cu e tabata traha pa Jeandrick y tabata haya comision.

FISCAL A EXIGI 1 AÑA DI PRISON

Un di e dos Fiscalnan a hiba palabra y a bisa cu Tiel a cumpra Oduber y tabata un ambtenaar fantasma. Fiscal a bisa cu Marisol Tromp a haci denuncia di ambtenaar fantasma. Fiscal ta haya legalmente proba cu Tiel ta un trahador fantasma.

Prome Minister Evelyn Wever-Croes:

PROME MINISTER TA FELICITA TUR DOCENTE Y ALUMNO DI SINT DOMINICUS COLLEGE CU NAN DI 110 ANIVERSARIO

Recientemente riba 15 di Januari 2025, Sint Dominicus College a celebra nan di 110 aniversario. E scol ta situa den curason di Oranjestad y pa añanan largo a sa di ofrece un bon educacion na nos yiunan. Prome Minister Evelyn Wever-Croes a expresa di ta sumamente agradecido na e cabesante di scol Caroline Cardose y su team completo pa e trabou grandi y bunita cu nan a bin ta eherce den ofrece educacion di calidad na nos muchanan. Pasobra ta hopi ta e muchanan cu awe ta adulto, y profesionalnan danki na e enseñansa basico cu e scol aki a ofrece nan. "Mi ta felicita tur e docente y alumnonan di Sint Dominicus College cu nan

di 110 aniversario. Mi ta spera cu e celebracion aki por inspira cada un di nan pa sigui duna lo miho di nan mes y pa sigui educar nos yiunan pa asina nan por crea un bon base pa futuro.

Tambe mi ta gradici e docentenan pa a scoge e ramo di enseñansa como nan trabou pasobra e ta sigur un di e funcionnan mas importante den desaroyo di nos muchanan. Danki na cada un di boso pa e esfuerso y dedicacion na nos yiunan, y pa e impacto positivo cu boso tin riba nan crecimiento. Boso trabou ta uno valioso, cu sigur nos como mayor y gobernante ta aprecia", Prome Minister a expresa.



Prome Minister Evelyn Wever-Croes:

ALUMNONAN DI MARIA GORETTI COLLEGE KLAS 5 A Y B A RICIBI BISHITA DI PROME MINISTER

"Ta importante pa mantene e legado di Betico bibo den curason y mente di tur nos muchanan"



Dialuna mainta Prome Minister Evelyn Wever-Croes a cuminsa cu su bishitanan na scol basico pa asina admira con cada un di nan ta preparando pa e celebracion grandi di Dia di Betico. E di dos scol cu Prome Minister a bishita riba e mainta aki, ta Maria Goretti College na unda e tabata tin e oportunidad di combersa cu alumnonan di klas 5 A y B. Na su yega Prome Minister a wordo ricibi pa alumno Noëmi "Nini" Bergen cu porcierto tabata e candidata pa reina infantil diasabra ultimo, hunto cu alumno Dayler Limonier.

Prome Minister a expresa di ta hopi contento di por a scucha con hopi e

alumnonan aki ya caba sa di Betico. Nan por a conta hopi di e bida di Betico y con hopi el a lucha pa asina Aruba awe tin su Status Aparte. Como famia di Betico, Prome Minister a tuma e oportunidad pa conta nan mas den detaye di Betico su bida personal manera su cuminda y color preferi. Tambe Prome Minister a haci algun pregunta na e alumnonan aki pa asina test con hopi mas nan sa. Mester bisa cu e alumnonan aki sorprendentemente tabata sa hopi mes di nos Libertador. Esaki sigur ta importante, pa asina mantene e legado di Betico bibo den curason y mente di tur nos muchanan.

"Un danki na cabesante di scol Jufrouw Mirla de Cuba, Jufrouw Sandra Ramadhin di klas 5A, Juffrouw Jaryann Geerman di klas 5 B, Men M & S, Dillon Willems, Wrn Hoofd Bianca Werleman pa nan dedicacion y esfuerso

den educa nos muchanan riba temanan importante relaciona cu historia di pais Aruba.

E deseo di Betico ta pa tur nos muchanan fiha nan meta pa futuro, y sa cu si nan traha duro

y cu amor pa Aruba nan por logra cosnan grandi. Danki na cabesante, docentenan y alumnonan di Maria Goretti College pa e oportunidad aki y mi ta desea cada un di boso un dushi Dia di Betico", Prome Minister a expresa.



Controla si bo a ricibi bo tarheta den post.

Nos a finalisa e transicion di nos tarheta Bankomatiko/Maestro pa nos tarheta di debito nobo Bankomatiko+ y tur tarheta a wordo manda via post pa tur cliente na e adres registra den nos sistema. Tur cliente lo mester a ricibi nan tarheta nobo di Bankomatiko prome cu aña a cera.

Corda controla bo post pa e envelop blauw. Tur instruccion di uso y activacion ta den e envelop.

Si bo no a ricibi bo tarheta Bankomatiko nobo, por favor tuma contacto cu nos via Live Chat di eAmigo sea via Whatsapp of nos website.

Na momento cu bo ricibi bo tarheta, corda activa esaki mesora. Bo por activa bo tarheta nobo di Bankomatiko solamente cu un transaccion cu ta rekeri uso di bo PIN.


Esaki por ta sea na un Bankomatiko machine of na cualkier ATM of na un terminal di pago. Sigui nos pagina di Facebook CMB pa mas informacion.

Entrante 1 di februari 2025 e tarheta Bankomatiko/Maestro lo NO ta activo mas.

BANKOMATIKO+
...mas di e miho!

CMB
CARIBBEAN MERCANTILE BANK

NAN A BAHAM UN HOMBER DI 77 AÑA CU DOLOR DEN PECHO DEN ORANAN DI MADRUGA NA EDIFICIO DI D.V.G. Y A BAY LAGUE EYNAN



Diamars madrugá a drenta informe di un dama di Total Sevices haciendo trabao di limpieza na edificio di D.V.G. na Oranjestad indicando cu nan a baha un homber cu dolor den pecho mustrand cu e lo bay haya un atake di curason, mesora a dirigi un ambulans na e sitio. Na yegada di e ambulans nan a atende e homber y a transporte pa hospital.

TURISTA CU APENAS A SALI NI 100 METER CU UN TOUR RIBA QUADRACER A KITA BAY DAL MURAYA!

Dialuna mainta a drenta informe di un accidente na Driemasterstraat, mesora e tour a stop y e turista no kier a sigui mas cu e tour y a cana bay oficina.

Milagrosamente ela sali ileso si ningun golpi. Ela subi acera 2 biaha y a bay dal na e muraya di un cas. E turista a rabia y a bay paga e gastonan di e daño causa.



CHAUFFEUR NO A REGULA SU VELOCIDAD NI MANTENE DISTANCIA A BAY DAL TRAS DI TAXI SU DILANTI

Diadomingo atardi a drenta informe di un accidente na Tin Wei Supermarket, mesora a dirigi un patrúya na e sitio. Na yegada di e patrúya a bin compronde cu aki ta trata di un accidente unda un chauffeur no a regula su velocidad ni a mantene distancia y a bay dal tras di un taxi. Afortunadamente ningun hende a resulta herida.



POLIS A PARA Y BOET UN CHAUFFEUR CU A COMETE INFRACCION DEN INDIANENWEG



Dialuna merdia durante patrúya polis a nota un auto cometiendo infraccion den Indiananweg, mesora nan a sende nan lus y sirena pa para e auto. Polis a baha y a boet e chauffeur pa e infraccion cometi. Polis ta controla unda cu ta y ki ora cu ta.



Partido MEP:

Dia di Betico

CELEBRA SU LEGADO

Ban celebra e legado y impacto positivo cu Betico a laga tras riba nos pais

ORANJESTAD— Diasabra 25 di januari, Aruba ta celebra Dia di Betico. Esaki ta e fecha natal di nos gran Libertador Gilberto Francios ‘Betico Croes’. Betico Croes tawata e Lider visionario y Tata di nos Status Aparte. Su lucha sin limite y liderazgo a habri caminda pa autonomia di Aruba den Reino Hulandes. Cu su determinacion, a forma e futuro di nos pais y a inspira generacion tras di generacion pa nunca laga nos bandera cay.

Koffiemorgen y cuminsa crioyo

Partido MEP, diasabra venidero na Cede di MEP, lo celebra e legado di e gran luchado aki di nos pais y e impacto cu el a laga tras riba nos pais di generacion pa generacion. For di 10’or di mainta lo tin Koffiemorgen unda cu por sinta paden den tur tranquilidad mientras ta disfruta un mainta

ameno cu famia y amistadnan. Tambe lo tin tentnan pafo unda lo bende dushi cuminda crioyo te 3’or di atardi.

T-shirt conmemorativo di Betico Croes

Riba e dia aki tambe por probecha e oportunidad pa cumpra e t-shirt conmemorativo di Betico Croes mientras cu tin disponibel. E t-shirtnan ta obtenibel den Size S,M,L y XL pa AFL20,- y Size 2 XL y 3 XL pa 25,-. Esaki ta un bunita recuerdo y desde awo caba por reserva via Telefoon/Whastapp 5936677. Cantidad ta limita.

Un Dia Pa Disfruta Hunto!

Bin pasa un rato dushi cu bo famia y amigonan bou di tremendo musica pa alegria e ambiente. Celebra Dia di Betico. Celebra su impacto den nos comunidad. Celebra e union y progreso cu Betico semper a inspira den cada Arubiano.



Un biaha mas, ta e sentimento MEP kier logra treciendo pueblo patriotico aki, di orguyo, gratitud, hunto riba Dia di Betico. Ban union y speransa nobo, Partido hunto honra nos historia.

MILLY SCHWENGLE A FIRMA REGISTRO DI CONDOLENCIA

Den Haag – Representante di Gobierno di Aruba pa Asuntonan di Reino y Union Europe mr. Milly Schwengle a firma e registro di condolencia na Gabinete di Aruba pa ex-prome Minister Henny Eman kende riba 6 di Januari ultimo a fayece na e edad di 76 aña.

Nota pa redaccion: E potret ta cortesía di Arubahuis



DAMA DI EDAD CU SOBREPESO A TROMPICA CU UN REIS DI MATA NA EAGLE BEACH

Dialuna mainta a drenta informe di cu un dama di edad a tropica y a cay na Eagle Beach, mesora a bin 2 hende pa yuda e dama lanta. Afortunadamente e dama a lanta cu un tiki dolor so pero a keda cu un susto. Lo ta bon pa esnan responsabel wak y corta e reisan cu ta riba tera.



PERSONAL DI DAC TA RICIBI TRAINING DI ICAO NA ARUBA

Durante e siman cu a pasa, e personal di Departamento di Aviacion Civil (DAC) a ricibi un training hopi importante for di Organisacion Internacional di Aviacion Civil (ICAO). Esaki a tuma lugar na Aruba mes door di dos instructor di ICAO.

E training ta especificamente pa e evaluacion y monitoreo di sistemanan di maneho di siguridad operacional (“SMS”). Tur organisacion cu ta activo den aviacion mester desaroya y implementa un programa di SMS y mester presenta esaki na DAC pa evaluacion. Pa medio di un sistema di SMS e compania por maneha su riesgonan a base di metanan concreto y predefini.

Un beneficio grandi di e programanan di SMS ta cu e ta suministra DAC cu informacion (“safety intelligence”), cual combina cu data di “safety reports” y inspeccionnan ta forma e base pa maneho di siguridad operacional aereo. Cu e monitoreo di data aki, DAC por

identifica tendencianan y asina pasa pa un sistema predictivo pa maneha riesgonan den aviacion. Esaki ta un transicion cu ta tumando lugar den aviacion mundialmente.

E training a duna personal di DAC e “skillsnan” necesario pa evalua y monitoreo e sistema di SMS. E training tabata hopi intensivo cu un duracion di 4 dia. E instructornan a elogia e grupo di profesionalnan pa nan conocimiento, experiencia, participacion activo y aporte importante durante e curso.

Hopi di e actividadnan di DAC no ta den spotlight, pero ta di suma importancia y necesario pa segura e nivel di siguridad operacional. E personal tecnico di DAC, cual ta consisti di tanto beleidsmedewerkers como inspecteurnan, ta haci diferente actividad conhuntamente pa por garantiza siguridad operacional den aviacion. Pa por haci e trabounan aki, ta esencial pa e personal



tecnico ta qualifica y bon entrena, den tur e areanan di aviacion. Solamente asina por garantiza un nivel di siguridad operacional aceptabel pa e biahero y tambe un nivel di cumplimiento halto di ICAO. Un aviacion sigur, confiabel, solido y duradero ta di suma importancia pa Aruba su turismo y economia.

Un di e strategianan di ICAO cual DAC ta kere aden ta e promocion di profesionalnan femenino den e industria di aviacion. Pa cual motibo ta importante pa subraya cu e training aki

a wordo duna door di dos instructor femenino y cu participacion di personal femenino.

Actualmente DCA tin varios profesional femenino cu ta forma un parti integral di DAC y cu continuamente ta sigui desaroya nan mes den e industria di aviacion. Asina por mira cu recientemente un hurista femenino di DAC, sra. Marjanne Jarazagaray-da Silva a completa un postgrado den derecho aeronautico.

DAC kier a uza e oportunidad tambe pa informa tocante su portal

pa raporta incidentenan. Tanto profesionalnan den aviacion y publico general por raporta anonimo riba cualkier situacion cu nan ta pensa por afecta siguridad di aviacion. E portal ta disponibel na e siguiente link: www.dca.aw/reporting.

Finalmente DAC ta gradici ICAO, Capacity Development and Implementation Bureau, pa suministra e training importante aki y DAC ta felicita su personal pa sigui y completa e training aki cu exito.

EX-MINISTER HIRSCH BALLIN A FIRMA REGISTRO DI CONDOLENCIA

Den Haag – Ex-minister di Husticia prof. dr. Ernst Hirsch Ballin a firma e registro di condolencia na Gabinete di Aruba pa ex-prome Minister Henny Eman kende riba 6 di

Januari ultimo a fayece na e edad di 76 aña.

Hirsch Ballin banda di tabata Minister di Husticia den Gabinete Lubbers III, ela ocupa tambe di 1989

te cu 1994 e funcion di Minister pa Asuntonan Antiano y Arubiano.

Nota pa redaccion: E potret ta cortesia di Arubahuis



Prome Minister Evelyn Wever-Croes:

Siguiendo su bishitanan na scolnan den e siman di celebracion di Dia di Betico, **MUCHANAN DI COLEGIO CONRADO CORONEL** **CU ENTUSIASMO A RICIBI PROME MINISTER**



Diamars mainta 21 di januari, Prome Minister Evelyn Wever-Croes a continua cu su bishitanan na varios scol en conexion cu Dia di Betico dia 25 di januari cua ta e fecha natal di e gran politico, lider, estadista y Libertador Arubiano, señor Gilberto François 'Betico' Croes. Bishitanan na scolnan durante e dianan prome cu e fecha, ta un tradicion

bunita di tur aña di e mandatario.

Diamars mainta na Colegio Conrado Coronel, Prome Minister a wordo ricibi pa maestronan hunto cu alumnonan entusiasma y contento cu banderin di Aruba den man. Prome Minister cu un curason alegre a saluda e muchanan pa despues sigui pa klasnan 5.



Akinan e muchanan a haya oportunidad pa combersa cu Prome Minister ken a haci preguntanan na e muchanan cu a mostra cu nan tin hopi conocemento y interes den e storia di bida y logronan di Betico. Esaki a duna e mandatario un satisfaccion grandi ya cu e por a mira cu e muchanan sa kico tur Betico a haci y dicon ta dedica tanto na dj'e y tin un dia liber pa celebra Betico.

un poco di Betico su bida, su lucha y su logronan. Mi ta convenci cu mas nos muchanan sa di Betico, mas nan sa di su logronan y con el a haci'e, esaki por ta un inspiracion pa nan tambe ora e momento yega pa nan tuma decisionnan grandi den nan bida. Dia di Betico ta un dia pa

reflexiona y celebra, pero mas ta un dia pa nos ta orguyoso cu nos como un pais chikito riba e mundo aki, a conoce un gran lider, estadista y un gran Tata di Aruba cu a logra hopi a base di un lucha cu sacrificionan grandi, pero principalmente pa su amor pa nos dushi Aruba."



Prome Minister:
"Mi ta gradici meneer Frenk, demas docente y e alumnonan di klas 5 di Colegio Conrado Coronel pa permiti mi bishita e scol un rato pa asina comparti



OTRO AUTO MAS KIBRA DEN AVENIDA MILO CROES



auto dilanti Lenor NV den Avenida Milio Croes, mesora a dirigi un patruya na e sitio.

Na yegada di e patruya a bin topa cu un auto cual

desconocidonan a destrui e bentana pa drenta y coba aden. For di pafo por a nota un tas pero esaki tabata bashi pues e antisocialnan no a bay cu nada pero a laga daño atras.

Diadomingo madruga a drenta informe di un caso di kiebro den un

POLIS INVESTIGANDO UN ACCIDENTE STRAÑO BANDA DI 88 FOODMART



Diasabra anochi a drenta informe di un accidente basta stranjio banda di 88

Foodmart na Santa Cruz, mesora a dirigi un patruya na e sitio.

Na yegada di e patruya a bin compronde cu aki ta

trata di un accidente poco straño pasobra e wiel a ser hala atras.

Polis a tuma datos y pas'e pa departamente di trafico.

DIA DI BETICO

Reflexion riba autodeterminacion y futuro di Aruba

Tur dia 25 di januari, Dia di Betico ta converti den un momento di reflexion profundo riba e caminda cu Aruba a recore pa autodeterminacion y e futuro cu ta sper'e. E dia aki, dedica na nos lider inmortal Betico Croes, ta un oportunidad pa evalua e progreso di e isla den su lucha pa autonomia y pa pensa riba e reto y oportunidadnan cu ta surgi den actualidad.

Betico Croes a dedica su bida n'e lucha p'e independencia di Aruba y su vision di un Aruba

soberano ta sigui guia e combersacionnan politico actual. Dia di Betico ta invita e poblacion na pensa den con e isla a evoluciona desde cu el a obtene un status autonomo na 1986 y ki pasonan ta necesario pa sigura un futuro prospero y sostenibel.

E dia aki tambe ta trece pregunta importante riba e futuro politico di Aruba dentro di e cuadro di Reino Hulandes.

Aunke e isla ta disfruta di un autonomia considerabel, e debate

riba e futuro politico y su relacion cu Hulanda ta sigui ta un tema relevante. Dia di Betico ta ofrece un espacio p'e Arubianonan reflexiona riba e temanan aki y pa reafirma su compromiso cu e idealnan di husticia, libertad y autodeterminacion cu Betico a defende.

Den un cuadro global cambiante, Dia di Betico tambe ta un recordatorio di e importancia cu Aruba ta sigui avansa como un nacion independiente, cu un identidad fuerte y un futuro prometedor.



INTOXICACION OF OVERDOSE NA CENTRO MEDICO AMBULANS A TRANSPORTA E PASHENT CU URGENCIA PA HOSPITAL



Diadomingo atardi a laat a drenta informe di un caso di overdose unda e Dokter di Centro Medico a solicita cu urgencia un ambulans pa bay hospital cu un pashent di intoxicacion of overdose.

Mesora a dirigi un ambulans na Centro Medico.

Na yegada na Centro Medico e ambulans a tuma e pashent y a bay cun'e direccion hospital.

Clasificados

SOLODIPUEBLO@GMAIL.COM
CEL. 585 9500

PORTA DI HERO GRANDI A CAY RIBA MUCHANAN NA ESSO HEIGHTS

Diadomingo atardi a drenta informe di cu un porta a cay riba 2 mucha na Esso Heights, mesora a dirigi tanto polis como ambulans na e sitio. A pidi pa 2 ambulans mirando cu ta trata di 2 mucha. Como cu a drenta un otro caso di emergencia na Centro Medico a desvia



e ambulans pa Centro Medico.

Na yegada di e patruya a bin compronde cu e

porta di cura grandi a bay cay riba e muchanan y a heridanen.

Na yegada di e ambulans

nan a mes a atende ambos mucha y a transporta nan pa hospital unda muy probablemente lo tenen nan pa observacion.

COMENTARIO NA ENFOKE 15 JANUARI 2025



Den e dianan aki cu formacion di un gobierno nobo pa Aruba, esaki ta e topico di tur dia den e programa Enfoke. P'e motibo ey mi ta mira e programa, selectivamente, den e dianan aki specialmente pa tur e entrevistanan cu e formadornan. Den e programa di dia 15 di januari ultimo mi ta tende sr. Paskel ta duna comentario di con y pakico e gabinete di sra. Evelin

Wever-Croes a cay. Mi no ta duna mi opinion tocante su comentario, pero si mi mester bisa cu despues di su reproche posteriormente di sra. M. Raymond, den su splicacion di lealtad di un miembro na su partido, na mi opinion e ta comete un error. Den su splicacion di lealtad sr. Paskel ta haci un error, pasobra esey ta yega na mente manera cu un parlamentario, desde e momento cu e subi un lista e mester silencia su consenshi y ta leal tur momento na e partido of, si su partido ta den gobierno, n'esaki. E ta un pensamiento di nos politiconan – y mayoria dje votadonan - tambe y esey t'e motibo cu nos parlamento, segun mi, nunca a funciona manera ta su deber. Ta berdad cu un miembro mester ta leal na e ideologia di su partido y na momento cu e no ta mas, e mester pidi su retiro. Si su partido ta forma parti dje gabinete e mester ta leal n'e programa acorda pa goberna y no na un

ministro o lider di su partido.

Si un minister kier pasa un concepto di landsverordening y Raad van Advies a duna un conseho negativo p'esaki y su consenshi ta bis'e cu e ley lo ta desbentahoso p'e comunidad, ta eticamente su obligacion di yama e ministro y pidi e reconsidera su concepto; y si e ministro ta recalcitrante, e parlamentario, no solamente mester scucha su consenshi, pero tin e deber di vota segun esaki. Nos constitucion ta bisa esey explicitamente cu solamente cinco palabra den Capitulo III, articulo 16, inciso 3: "De leden stemmen zonder last"; "E miembronan ta vota sin molester" Cu otro palabra: e miembronan no mester tin orden con pa emiti nan voto y por haci esey segun nan consenshi. Es mas, nos constitucion no conoce fraccion y ta bisa esey tambe den Capitulo III, articulo 1: "De Staten vertegenwoordigen het gehele Arubaanse volk. Na Papiamento:

"E Parlamento ta representa e pueblo di Aruba den su totalidad." Esey kiermen cu Parlamento – y e miembronan - ta primeramente leal na e pueblo di Aruba.

Si un gobernante pidi lealtad na su persona, sea peticion na un parlamentario o un colega-gobernante, nos constitucion y democracia ta na peliger. Ehempel dj'esaki tin hopi den nos region.

Atentamente,

Vivienno "Vi" Frank Sr.
Tanki Flip 52 A,




SOLODIPUEBLO@GMAIL.COM
CEL. 585 9500



BAY WAK ELECCION DI REINA PADEN MIENTRAS LADRON TA COBA DEN BO AUTO PAFO!



Dialuna madruga despues di cu eleccion di Reina a caba doñonan di auto

a sali pafo y a haya e sorpresa cu nan a kibra drenta horta den nan auto.

Alomenos un chauffeur nan no a horta nada for di su auto pero si

a comete destruccion na e lona di su Jeep. Pero otro victimanan si no tabata

tin e suerte ey Y a bira victima di kiebroy ladronicia.

DAMA TURISTA BEBI A BULA DEN LAMA DAL SU CABES NA E BARANCANAN NA TAMARIJN ALL INCLUSIVE



Diadomingo atardi un persona a yama Centro di Alarma avisando cu tin un dama turista cu problema

den lama na Tamarijn All Inclusive, ela drenta lama cu su telefon pa asina avisa kiko a pasa e dama y

cu ta mihor nan manda un ambulans na e sitio.

Na yegada di e ambulans

a bin compronde cu e dama turista burachi a bula drenta lama y a dal

su cabes na e barancanan. Mesora a atende e dama y a transporte pa hospital.

Clasificados





SOLODIPUEBLO@GMAIL.COM
CEL. 585 9500



CABAYNAN DI CURACAO DEN PREPARACION PA NAN VIAHE PA ARUBA

Preparacion grandi ta tumando lugar pa asina por ricibi 19 cabay di Curacao pa participa den e "Clasico Internacional" cual lo tuma lugar riba dianan 31 di Januari, Februari 1 & 2 na Villa Floralina.

E prome stap den e proceso aki ta pa veterinario tuma sanger di tur cabay pa manda esaki pa Estados Unidos pa test pa asina cumpli cu tur requisito di parti Veterinaire Dienst di tanto Aruba como Curacao.

Unabes ricibi e resultadonan di test, ta sigi pa traha un Certificado di Salud pa tur e cabaynan, hunto cu tur e papeleo necesario pa tijdelijke invoer di e cabaynan, ademas di



equipo y trailer pa nan biaha riba Don Andres rumbo pa Aruba. E cabaynan lo ta hospeda na diferente rancho durante nan estadia na Aruba prome cu nan bolbe bek pa Curacao. OCA ta gradici tur esnan cu ta yudando pa hasi e evento aki un realidad.




SUDOKU


5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		


	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 21, 2025




Sorteo # 4514
5239
3339
5907
MULTI-X
FP
BIG 4
Sorteo # 4514
3666
MULTI-X
FP
1OFF
Sorteo # 2570
0551
ZODIAC
Sorteo # 4514
7937
Scorpio
LUCKY 3
Sorteo # 1388
261
MULTI-X
X2




Sorteo #
0 x Jackpot
0 x Match 4+
0 x Match 4
0 x Afl. 12,00

Joker
Letter
Proximo Jackpot
230.000,-




Sorteo #
0 x Jackpot
0 x Match 4
0 x Afl. 8,00

Proximo Jackpot
113.000,-




Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00


Mega Ball
Proximo Jackpot
650.000,-




Afl. 1.000.000,-



Sorteo #



Sorteo #



FORTALEZA PA FAMIA

Scirbi pa Pastor Marcel Balootje.

E PELIGER DI AMOR PA PLACA

Amor pa placa ta pone hende ganja, horta, y hasta mata, pa asina mantene nan posicion di rikesa y aleha nan mes completamente for di Dios.

Den Lucas Capitulo 15:11-32 ta muestra nos con amor pa placa por pone un yiu pidi su tata e parti di su herencia y bandona cas sin ningun clase di experiencia y bay biba den un tera leu,y gasta tur placa, asina cay den un situacion cu e mester a bay traha caminda ta cuida porco y a desea di come cuminda di porco, asina doloroso su situacion tabata.

Pero laga nos tur corda cu tempo e tabata na cas di

su tata , e no tabata falta nada, pesey ora e a bin bij y a bolbe cas bek, su tata a dune locual ta di dje, pa demostre cu aunke e a bay, e amor di tata si no a bandona su bida, y su tata a restaura su bida completamente, bisando: Pasobra e yiu di mi aki tabata morto, y a bolbe biba, e tabata perdi y a wordo hanja.

Cuanto hende awendia no ta perde nan integridad, nan libertad, nan matrimonio y nan famia pa motibo di placa, cuanto no ta bende nan mes y nan famia, of nan coleganan di trabao pa motibo di placa.

Cuanto hende cu bon trabao y bon beneficio ta cay trampa diabolico

di placa, y ta laga placa domina nan bida, y hinca nan mes den un caya di corrupcion sin salida.

Nos por mira con gran dictadornan rond mundo ta yena cu placa, pero no kier bandona nan poder, pasobra e amor pa placa ta rais di tur maldad, y esnan cu cay den dje ta solamente Cristo Hesus tin e poder di por libra nan.

Amor pa placa ta haci hende orguyoso y egoista, y nan ta lubida cu nos no a trece nada den mundo y nos no por hiba nada for di dje tampoco.

Instrui esnan cu ta rico den e mundo actual, pa nan no ta soberbe y pa nan no fiha nan speransa riba

e inseguridad di rikesa, ma riba Dios,Kende ta provee pa nos tur cos na abundancia,pa nos disfruta di nan. Instrui nan pa haci bon, pa nan ta rico den bon obra,pa nan ta generoso y dispuesto pa comparti, pa nan montona pa nan mes e tesoro di un bon fundeshi,pa futuro, pa nan gara na loke ta e bida berdadero.(1 Timoteo 6:17-19).

Amor pa placa ta pone hende halsa y stima e placa mas cu Dios.(Marco 10:17-22).

Amor pa placa ta trece preocupacion y ta hiba hende na destruccion (1 Timoteo 6:9).

Amor pa placa ta haci hende orguyoso, pichiri, y egoista .(1 Juan 3:16-18).

Amor pa placa por haci hende temporalmente ciego cu nan ta pensa solamente riba nan mes. (Lucas 12:18-21).

Nos mester sinja nos yuinan con ta usa placa, nos mester bisa nan cu placa ta necesario den nos bida, pero e cos mas importante ta cu nos tin cu bisa nan cu si bo kier yega na placa bo mester studia bon pa bo tin un bon trabao of bira un homber di negoshi pa bo yega na placa.

Pero no laga placa domina bo bida, especialmente locual ta sosode awor aki cu nos hubentud ta laga placa domina nan, y no ta pensa ningun momento ora nan mester hinca nan curpa den problema pa placa, pasobra nan ta pensa pa yega facilmente na placa.

No laga den ningun circunstancia, placa domina bo bida,y asina bo lubida cu Cristo ta bo Salvador.

Sinceramente , Pastor Marcel Balootje.



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhela consciente y inconscientemente nos tur ta anhela di experiencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.


Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forza durante e tempo dificil cu e fayecimento y entierro di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na un Santo Sacrificio di Misa na misa Inmaculada Concepcion;

Diabierna 24 Januari

Boso presencia ta altamente aprecia